



PRIVILEGIUM CÆSAREUM.



Os CAROLUS Sextus Divinâ fa-
rente Clementiâ Electus Romanorum
Imperator semper Augustus ac Germaniæ, Hispa-
niarum, Hungariæ, Bohemiæ, Dalmatiæ, Croatiæ,
Sclavoniæ, &c. Rex, Archi-Dux Austriæ, Dux Bur-
gundiæ, Styriæ, Carinthiæ, Carniolæ & Wirten-
bergæ, Comes Habsburgi, Flandriæ, Tyrolis, Goritiæ, & Gra-
discæ, &c. &c.

Recognoscimus & notum facimus tenore Præsen-
tium, quibus expedit, quod nobis fideles, nobis dilecti Pharmacopæi,
Civitatis hujus nostræ Viennæ humillimè exposuerint, ob multas medica-
menta tam composita, quam chymica parandi varietates, quibus mens
& praxis Medici non nisi confundi, & in dubitandi periculum, errorem-
que abduci potuisset, jam dudum se sollicitos fuisse, ut certa, stabilis, rataque sta-
tueretur regula, ad quam se omnis parandorum medicaminum ratio conforma-
re possit, huncque in finem opus quoddam Pharmacologicum ab ipsis longo
tempore & industriâ congestum: Dispensatorium Pharmaceuticum Viennense
intitulatum, typis evulgare constituisse, vereri autem, ne æmolorum fraude,
qui editionem istam dolosè imitentur, laboris & impendii sui fructu destituan-
tur; eaque propter supplices rogasse, ut non tantum hac in parte eorum indem-
nitati Privilegiô nostrô consulere, sed dictum quoque Dispensatorium Pharma-
ceuticum ab omnibus Pharmacopæis pro normâ & regulâ absolutè respicien-
dum habendumque clementer decernere dignaremur. Nos itaque justis præ-
nominatorum Pharmacopæorum precibus benignè annuentes, eisdem dictum,
opus, ex quô à Facultate Medicâ Viennensi perlustratum & approbatum fuerat,
imprimendi, & divendendi ad viginti annos plenariam Facultatem vigore præ-
sentis Nostri Diplomatis clementer impertimus, illudque pro normâ parandi
Medicamenta ab omnibus Pharmacopæis deinceps observandum, & haben-
dum statuimus & mandamus, insuper etiam inhibemus, ne quis Typographorum,
Bibliopolarum, aut aliorum quorumcunq; librariam negotiationem exercentium
nominatum Dispensatorium Pharmaceuticum Viennense per Regna & Domi-
nia nostra hæreditaria intra Vicennium ab ipsa editione computandum, simili,
aut alio quopiam typo, charactere, vel formâ, sive in parte, mutatoque ti-
tulo, vel in aliam linguam translatum recudere, aut alii recudendum dare,
aut

aut etiam alibi recusum apportare, venundare, aut distrahere clam aut palam
citra voluntatem atque consensum praedictorum supplicantium ausit vel præ-
sumat, si quis verò Edictum hoc nostrum transgredi, aut quovis modo viola-
re ausus fuerit, is ejusmodi typis omnibus ab antedictis Pharmacopæis Vien-
nensibus auxilio Magistratū, ubique reperti fuerint, vindicandis se nove-
rit ipsò factō privandum, ac præterea poenam quinque *marcarum auri puri* fisco
nostro fraudis vindici toties, quoties contra factum fuerit, persolvendam in-
cursurum: Dummodò tamen opus istud tenorem hujus nostri Privilegii in-
fronte præimpressum ad cujusque notitiam exhibeat, & aliqua ejus exempla-
ria ad Cancellariam nostram Austriacam Aulico-Intimam mittantur. Manda-
mus igitur universis & singulis Regnorum ac Provinciarum nostrarum Hæredi-
tariarum subditis & fidelibus nostris dilectis tam Ecclesiasticis, quam Sæcula-
ribus, cujuscunque statu, gradu, ordinis, dignitatis, aut conditionis exi-
stant, præsertim verò iis, qui in Magistratu constituti, vel propriō, vel supe-
riorum nomine & loco jus, & justitiae administrationem exercent, ne quem-
quam privilegium & edictum hoc nostrum temere & impunè transgredi aut vio-
lare finant, quin potius, si quos forte contumaces compererint, præscriptâ
poenâ plecti, aliisque modis idoneis coerceri carent, si & ipsimet eandem
multam, & gravem nostram indignationem incurrire noluerint; harum Te-
stimonio literarum manu nostrâ subscriptarum, & Sigilli nostri Cæsarei, Regii
& Archiducalis appensione munitarum, quæ datæ in Arce nostrâ Laxenburgi
die trigesimâ mensis Aprilis Annô supra Millesimum Septingentesimô Vigesimô
Nono, Regnorum Nostrorum, Romani Decimô Octavô, Hispániorum
Vigisimô Sextô, Hungarici & Bohemici verò Decimô Nono.

Carolus.



Philippus Lud. Com. à Sinzendorff.

Ad Mandatum Sacrae Cæsareæ,
& Cathol. Majest. proprium.

Matthias Benedictus Finsterwalder,